

## صفقات العشر | #القرآن\_حياتي | د. حازم شومان

حازم شومان

السلام عليكم ورحمة الله وبركاته. ان الحمد لله نحمده ونستعين به ونستهديه ونستغفره وننعواز بالله من شرور انفسنا ومن سينات اعمالنا. انه من يهدى الله فلا مصل له. ومن يضل فلن تجد له هاديا مرشدا. اللهم صل على محمد وعلى آل محمد كما صليت على ابراهيم وعلى - 00:00:00

اللهم ابراهيم انك حميد مجيد اللهم بارك على محمد وعلى آل محمد كما باركت على ابراهيم وعلى آل ابراهيم انك حميد مجيد. اما بعد اللهم اكبر الله الله اكبر الله اكبر - 00:00:30

لا اله الا الله. الله اكبر. الله اكبر والله الحمد. وبدأت احب الايام الى الله. وبدأت افضل ايام الدنيا بدأ العشر اخوانى واخواتي في الله. في اللحظة اللي احنا بنتكلم فيها دلوقتي فات حوالي خمسة وخمسين ساعة. من افضل متبين واربعين ساعة في العام كل - 00:00:45

فات حوالي خمسة وخمسين ساعة. يعني عشر ذي الحجة بدأت من اول مغرب الخميس. احنا الوقتي ايه؟ احنا الوقتي السبت يعني حوالي الساعة مسلا عشرة ونص بالليل كده او حاجة - 00:01:05

حوالي خمسة وخمسين ساعة عدوا من اغلى ميتين واربعين ساعة في السنة كلها. لو القطار بتاع العشر فات علينا هيبقى شديد جدا يوم القيمة على هذا الثواب الهائل. عشان كده درس الليلة بازن الله سبحانه وتعالى تذكير بقى ويعني شحد همم للعمل الصالح - 00:01:15

في هذه الايام هنتكلم عن ايه صفات العشر. درس الليلة بازن الله سبحانه وتعالى. صفات العشر. الصفات العظيمة اللي يتاجروا مع الله سبحانه وتعالى. هنتكلم عن كل صفة كده في تلات اربع دقائق بسرعة بازن الله. سبحانه وتعالى. نبدأ بصفة ايه يا اخوان؟ نبدأ بصفة قيام - 00:01:35

باذن الله سبحانه وتعالى. يعني لعل الواحد نفسه يبدأ بصفة قيام الليل عشان الروعة بتاعة هذه العبادة. وعشان العظمة رغم ان يا اخوانى كلنا مقصرين في هذه العبادة وكلنا حظنا ضعيف جدا من هذه العبادة. الا ان لعل ربنا يوقف قلوبنا ويحيي قلوبنا ونبقى من اهل قيام الليل. قالت - 00:01:55

تعال انا عايز الاول نركز في ثواب قيام الليل. الثواب انا هاخد ايه من ربنا سبحانه وتعالى يوم القيمة؟ ان واظبت على قيام الليل لانها حمادة عايزه اجتهاد وعايزه تضحية وعايزه الواحد يجاهد النوم. قال تعالى تتجافى اسمعوا معي يا اخوانى. اسمعوا معي لعل قلوبنا - 00:02:15

وتتحرك لما نسمع ثواب القوامين في القرآن الكريم. قال تعالى تتجافى جنوبهم عن المضاجع يدعون ربهم خوفا وطمعا ومما رزقناهم ينفقون. فلا تعلم نفس ما اخفي لهم من قرة اعين. تتجافى جنوبهم تتجافى - 00:02:35

يعني قطب سالب وقطب سالب. لا يمكن يقربوا من بعضهما قاومت هيبعدوا وهيتناقروا عن بعض. جنبه مع السرير كأنه قطب سالم معقود بسالم تتجافى ما هوش طايق بنام جنوبهم. يعني مش مش جنب واحد ده يعني لما تكون ما انتاش عارف تنام على الجانب اليمين. انت قلقان طول ما طب اتقلب على الشمال - 00:02:55

طيب انام على ضهرى يمكن انام. ما فيش ولا جنب من جنوبهم عارفين يناموا عليه. تتجافى جنوبهم عن لنفور والبعد. عن المضاجع يعني حتى يا اخوانا لو لو السرير اللي نائم عليه حرير لو السرير اللي نائم عليه مخدة هوائية. لو السرير اللي نائم عليه

حاجة ما حصلتش - 00:03:15

ما هواش طايق ما هواش طايق ان هو ينام على السرير تتجاذبى جنوبهم عن المضاجع ليه؟ مين اللي في قلبه تجاه الدار الاخرة من المشاعر اللي جواه تجاه اول ليلة في القبر. من اللي في قلبه تجاه الجنة ونعيها. من اللي في قلبه اتجاه النظر لوجه الله. مين اللي في قلبه تجاه الدار الان - 00:03:35

من اللي في قلبه تجاه حب الله والشوق الى الله. والشوق واللهف على رضا الله تتجاذبى. جنوبهم عن المضاجع. ليه هي عملوا ايه؟  
يدعون ربهم خوفاً وطمعاً خايفين من الدار الاخرة بكل تفاصيلها طمعانين في في كرم ربنا ورحمة ربنا في الدار الاخرة بكل تفاصيل النعيم فيها يدعون ربهم - 00:03:55

خوفاً وطمعاً ومما رزقناهم ينفقون. واقف طول الليل يا رب. يا رب رحمتك يا رب. يا رب النجاۃ يا رب يا رب نجني من النار يا رب.  
طب يا رب دول ثوابهم ايه - 00:04:20

فلا تعلم نفس ما اخفي لهم من قرة اعين. يعني ايه يا اخوانا؟ يعني انا ممكن مسلا انا عندي عيلة او اسرة فاجيب لي واحد مفاجي واقوم موريها للعيلة كلها اقول لهم شايفين ياه! ده هيبيطير من الفرحة لما هيشفوها والكل مستنى نزرة نزرة  
الفرح في عينيه ساعة ما - 00:04:34

الهدية والمفاجأة. انما ممكن احضر مفاجأة ولا واحد في البيت كله عارفها. فالكل ملهوف يا ترى انا محضر لده ايه؟ تخيلوا يا اخوانا حتى الملائكة ما مش عارفة ربنا اعد للقوامين ايه. لحظة كشف الستار عن نعيم القوامين. اللحظة دي مش القوامين بس اللي هيبيطروا لها الستارة ترفع - 00:04:54

او الحجاب يكشف عن النعيم بتعاونهم. ده الملائكة والصالحين والكل هيبيطروا لما يرى نعيم القوامين. القوامين مين ربنا اخفي نعيمهم في الجنة حتى الملائكة لا تراه مهما كان لا يراه. لحظة كشف الحجاب عن نعيم القوامين والكل مبهور - 00:05:14

يعني الواحد بيتخيل كده لأن الملائكة يعني بتتسائل يا رب في ساعات الليلة الأخيرة. اللي بيوت المسلمين بتبقى عاملة زي المقابل فيها. الناس كلها نامية. ودول نايمين يا رب بين ايديك يدعوك ويصلوا ويتسلوا ويتبدلوا يا رب هتدى لدول ايه؟ يا رب دول هتدى لهم ايه؟ دول هاديهم لا - 00:05:34

تعلم نفس ما للتعظيم ما اخفي لهم لدول بالزات من قرة اعين بعد خوف وبعد قلق وبعد حزن وبعد دموع وبعد هم وبعد بكاء من قرة اعين جزاء. تخيلوا يا اخواننا ده ثواب لك قوامين. لا لا ده مش كده بس. قال تعالى والذين يبیتون - 00:05:54  
لربهم سجداً وقياماً. والذين الذين هنا معناها ان الصفة متحققة فيهم. يعني مش بيقوم يومين وخلاص ده على طول. ده القيام ده دق كل ليلة بيجي عند العصر المغرب قلبه خلاص بيتهز عشان العشاء تدن ينام ويصحى بقى يصلى بين ايدين ربنا ويصحى يتبتل بين ايدين ربنا - 00:06:15

ويصحى يعيش في العبادة بين ايدين ربنا سبحانه وتعالى والذين يبیتون. ربنا ما قالش والذين يقومون لربهم. سجداً وقياماً قال يبیتون يا رب ده البيان ده لفزي بيعبّر عن النوم. ما هو اللي الناس بتاخده من النوم وهم بياخدوه من القيام. الناس بتنمّ ست سبع ساعات بالليل. دول ب يصلوا الوقت ده لله - 00:06:35

ياه ياه على الهم يا اخوانى! يا على الهم! والله يا اخوانى ممكن الواحد يسمع الكلام ده. يعني يعني فعلاً ممكن يكون واحد بيسمعننا دلوقتي ما بيصليش اصلاً ويسمع انت بتتكلم عن قيام ليلة ست سبع ساعات. يا اخوانا ساعة ما حب الله بيسكن في القلب. الواحد بيخرج من حوله وقوته - 00:06:55

بيبعد ربنا بقوة الله مش بقوته هو. ساعة ما حب الله بيتمكن من القلب. ساعة ما الشوق الى الله بيتمكن من القلب. ساعة ما اللف على النظر لوجه الله بتتملاً معانيها القلب. ساعة ما القلب بيدخل الصدق في طلب الآخرة. ساعة ما القلب بينور ساعة ما القلب ربنا بيرفعه - 00:07:15

وبيطهروا وبيملأوا بالضياء والنور يا اخوانا ما حدش يقول هي عمل ايه. ساعة ما المشاعر دي بتذكر القلب لما تسمع ان فيه ناس صامت

قد كذا وقامت قد كذا وكانت بتخشع في الصلاة قد كذا. انت تستغرب هو في ناس تقدر تعمل كده! فيا اخوانا الكلام ده يعني الكلام ده فيه ناس ربنا بينور قلوبها - 00:07:35

اسألوا ربنا ان ربنا بينور قلوبنا بالإيمان. وان ربنا يمأأ قلوبنا باليقين الصادق والاخلاص والصدق. وشوفوا بعدها جوارحنا هنشتغل هتشتغل في طاعة ربنا سبحانه وتعالى قد ايه؟ والذين يبيتون لربهم - 00:07:55

الناس بعد النوم بتقوم فايقية. دول بعد القيام فايقين. الناس يا اخوانا النوم بعد تعب اليوم وزحمة اليوم. ومشاكل اليوم وتوتر اليوم عايز بقى يرتاح. ده ده بعد توتر اليوم كله القيام هو الراحة بتاعته. هو سكن القلب بتاعه وواقف من ايدين ربنا اروع لحظة في حياة المؤمن - 00:08:11

اروع لحظة بعد لحظة صلاة الجماعة وهو واقف بين ايدين ربنا. اروع لحظة في حياة المؤمن وهو واقف بين ايدين ربنا في التلت الاخير. والناس كلها نايمة والناس كلها يعني في غفلة وهو بين ايدين ربنا قلبه بيتبطل الى الله. ولسانه بيلهج بذكر الله. وقلبه عامل زى برkan - 00:08:31

المشاعر اللي بيغلي وجوة قلبه مهرجان ايماني من الخوف والرجاء والحب. والتعظيم حياة الليل ده حياة. اللي ما لو ش ليل ده محروم. اللي ما لو ش ليل ده غلبان اوي ربنا سبحانه وتعالى يحيى ليانا بطاعته. ويمأأ ليانا بالعبادة بين يديه يا رب. انه ولی ذلك والقادر عليه. والذين - 00:08:51

يبيتون لربهم يعني زي ما اقول لك كده انا قاعد لك هنا هو اي طلب تطلب اطلب اي طلب طول الليل انا سهران عشانك والذين يبيتون لربهم وهبوا الليل لله سبحانه وتعالى. الليل اغلى من اللي احنا نعمل فيه اي حاجة. اه والله يا اخوانى. يعني انا مش عايز اقول يعني الليل اغلى من ان هو يبقى وقت مذاكرة - 00:09:11

ايه الاغلى من انه يبقى وقت الا طبعا اللي ايه؟ يعني اللي لقوا الظروف ده ربنا في سورة المزمل انزل عذر هؤلاء انما انا باتكلم ان في الظروف العامة الليل اغلى من اي حاجة - 00:09:34

عشان كده ربنا سبحانه وتعالى قال للنبي ايه؟ ان لك في النهار سبحا طويلا. ده انت عندك من الفجر للمغرب. تخيلوا يا اخوانى مدة طويلة جدا اللي عايز يعمل اي حاجة في حياته وقت كله بركة باذن الله. سبحانه وتعالى. الليل ده بتاع ربنا. الليل ده لله سبحانه وتعالى والذين يبيتون لربهم سجدا - 00:09:44

القيامة وربنا يبدأ بالسجود اللي فيه نزول لله وسجدا صيغة مبالغة. لما الواحد بيسجد كده لربنا. الناصية ديت اللي هي حنة التفكير ده الفران تلوب دهو الحنة المقدمة بتاعة الفكر يحطها في التراب. والمناخير الانف بتاعة الكرامة والعزة يحطها في التراب. والايدين اللي بيتحط فيها السروة - 00:10:04

والغنى يحطها في التراب والرجلين الركبتين والقدمين. اللي فيهم الحركة والسعى يحطهم في التراب. الواحد بيحس كده وهو ساجد في الوضع ده لأن العبد بيقول لربنا ساعتها يا رب يا رب انا دماغي ومكان تفكيري في التراب. انا جاهل يا رب. انا انفي مكان كرامتي في - 00:10:24

تراب انا ذليل يا رب. انا ايدي يا رب مكان الغنى في التراب انا فقير يا رب. انا رجلي يا رب مكان السعي في التراب انا عاجز يا رب يا رب يا عزيز ارحم ذاتي. يا عليم ارحم جهلي. يا قدير ارحم عجزي. يا غني ارحم فقري - 00:10:44

يا اخوانى في الله معاني عظيمة سجادا وقياما. تخيل بقى وهو عايش مع المعاني دي طول الليل طب يا رب دول هتدفهم ايه يا رب؟ يا رب القوامين دول ثوابهم ايه يا رب؟ شوفوا بقى اخر ايات عباد الرحمن في سورة الفرقان اللي فيها الاية دهي قال تعالى اولئك - 00:11:04

ديت يعني عارف اللي علي علي ده دول علي اوي اوي. اولئك يجزون الغرفة بما صبروا. يعني ايه غرفة يا اخوانى فيه في الجنة حاجة اسمها الفردوس الاعلى وفيه حاجة اسمها باقي الجنة. الفارق ما بين الفردوس الاعلى وباقى الجنة زي الفارق ما بين الجنة وما بين الدنيا فارق ما - 00:11:20

الفردوس الاعلى دول اللي ربنا اصطفاهم لجواره في الفردوس الاعلى. ربنا يجعلنا من اهلها يا رب. اللهم امين الفردوس الاعلى ده ايه؟ فيه هنا قصور وفي هنا قصور فيه هنا بيوت وفيينا بيوت فينا خيام وفيينا خيام انما في حاجة في الفردوس الاعلى مش موجودة في اي مكان تاني في الجنة. اسمها - 00:11:40

اهلهم غرف من فوقها غرف اسمها الغرف. فالعلماء هنا قالوا الغرفة دي. يعني ربنا ما قالش حتى الغرف ليه؟ قال لك لأن دي اعلى حاجة في الغرف يعني القوامين. ربنا هديهم اعلى الفردوس الاعلى. اعلى حاجة في الفردوس الاعلى مين اللي يضيع العبادة دي؟ مين اللي يفرط في العبادة اللي - 00:11:58

نواب اسمعوا الى قول الله سبحانه وتعالى يا اللي عايزين تعرفوا ثواب القيام عشان تبدأوا تجاهدوا وتتبعوا من اجل الفوز بهذه العبادة. قال تعالى ان المتقين في جنات وعيون اخذين ما اتاهم ربهم انهم كانوا قبل ذلك ايام راحلون - 00:12:18 والتعب بتاعها راح والسهر بتاعها راح. وفضل السواب اللي سطر في الصحفائف. وفضل النور اللي ملا القلوب. وفضل الدعاء اللي للملك وفضل الذكر اللي رفع حول العرش بصوتك يسبح الله ويطوف مع الملائكة عند عرش الله سبحانه وتعالى - 00:12:38

كانوا قليلا من الليل ما يهجنون. وبالاسحار هم يستغفرون. كانوا قليلا هم دول يا رب اخذين ما اتاهم ربهم انهم كانوا قبل ذلك محسنين كانوا بيعملوا ايه؟ كانوا قليلا من الليل ما يهجنون. الجوع ده يا اخواننا نوم الطير يا اخواننا يقول لك هجعت الطيور في اوکوارها. يعني لما تهزم الغصن كده - 00:12:58

بالليل الطور تصحي في سانية وتطير نوم خفيف جدا. جدا ما فيش حاجة اسمها طرت هز وما بيصحاش. ده الطير اقل حاجة تقوم مطيراه. على طول اداته وم منهم خفيف ليه؟ لأن - 00:13:18

مواصلة بالله. يا عائشة ان عيني تنام ولا ينام قلبي. مين فينا اللي لا ينام قلبه؟ وكمان يعني من الليل اللي بيناموه وكمان القليل ده نوم خفيف. من اتصال القلب بالله. يا رب دول هتدיהם ايه؟ يا رب دول هتكاففهم بايه - 00:13:28 يا رب دول ثوابهم عندك ايه؟ يا رب اللي عملوا العبادة دي لوجهك يا رب هتدיהם ايه؟ اهو ربنا قالها قبلها اخذين ما ربهم. يعني ايه اخذين ما اتاهم ربهم - 00:13:48

يا اخوانا فيه حاجة في الدنيا ربنا خص بها الاولىء. اسمها الكرامات. يعني ايه الكرامات؟ يعني الكرامات دي حاجات عطاءات خاصة جدا. ربنا يديها لطائفة مخصوصة من عباده. اولىء الله الصالحين. في الجنة يا اخوانا فيه حاجة زي الكرامات كده في عطاءات مخصوصة في الجنة. يعني عطاءات لفلان - 00:14:01

عطاء لفلان نعيم لفلان. نعيم يتنعم به الزمرة دي. سبحان الله العظيم! فدول خصوا بنعيم في الجنة لا يتنعم بي غيرهم اخذين ما اتاهم ربهم. ده ده نعيم خاص وعطاء خاص. لا يوجد له مثيل في الجنة كلها. لمين يا رب؟ للقويين - 00:14:21 هو مين الذين كانوا قليلا من الليل ما يهجنون؟ طب بس الايات ديت بتتكلم عن احوال عالية جدا. قلت لكم يا اخوان القضية ان حب الله يسكن في القلوب والله يا اخواني القلب اللي هيسكن في حب الله دنيا ايه اللي تقرب من قلبي مليان حب لربنا. دنيا ايه اللي تقرب من قلبي مليان شوق لربنا. دنيا - 00:14:41

ايه اللي اقرب من قلب ملهوف على النظر لوجه الله؟ دنيا ايه؟ اللي تقرب من قلب عطشان انه يشرب من ايد النبي. عليه الصلاة والسلام الحوض دي قلوب لما ربنا بيحيي القلب ما تسألش الجوارح هتعمل ايه. وما تسألش الجوارح هتجتهد قد ايه بكل لذة وبكل فرح. هل النبي عليه الصلاة - 00:15:01

سلام. لما كانت بتتفطر قدميها في القيام. رجليه بتتشقق في القيام عليه الصلاة والسلام. هل هو كان حاسس بالالم بتاعها؟ ولا لذة الاتصال اقسم بالله فوق اي الم جسدي دي احوال في غاية العظمة. مين اللي عايز يبقى مع النبي عليه الصلاة والسلام في الجنة؟ ادي قيام النبي تتفتر قدماه. في قيام الليل عليه الصلاة والسلام - 00:15:21

مين اللي عايز يبقى مع النبي في الجنة؟ ربنا يجعلنا مع النبي عليه الصلاة والسلام في الجنة. قال تعالى قال الله رب العالمين امن هو قانت انة الليل. اصل ربنا يا اخواننا لما بيtalk عن اعلى احوالها لان القرآن كتاب علو همة. القرآن - 00:15:41

بيوقظ الهمم. القرآن كتاب بيفجر العزائم في القلوب وفي الصدور. القرآن ما بيتكلمش عن اي ذكر. يذكرون الله قياما وقعودا وعلى جنوبهم ما يتتكلمش عن اي قيام. امن هو قانت انا الليل ساجدا وقائما ما يتتكلمش عن اي صيام. اني نذر للرحمه صوما نكرة للتعظيم - 00:16:01

القرآن بيتكلم عن اعظم مقامات. لان ربنا خلقك في احسن خلق واراد منك احسن عمل. القرآن بيرفع الهمم. اللي هيقبل على القرآن في الايام دهيت يا بخته يا بعلو الهمة اللي هتتفجر في صدره. يا بخته بارتقاء الایمان اللي هيتولد في قلبه بازن الله. سبحانه وتعالى قال تعالى - 00:16:21

امن هو قانت انا الليل. طول الليل ساجدا وقائما ما بين عبودية السجود وعبرية القيام يحذر الاخره ويرجو رحمة ربه من اللي في قلبه مش قادر ينام. من اللي في قلبه تجاه الدار الاخره وتتجاه الجنة والنار مش قادر ينام. يا رب فيه ناس مصدقة للدرجة دي - 00:16:41

يا رب فيه ناس قلوبها ايقنت للدرجة دي. يا رب فيه ناس المشاعر دي سكت في قلوبها فعلا؟ ايوة يا اخوانا يحذر الاخره ويرجو ربي طب يا رب دول هتديهم ايه ؟ يا اخوانا احنا دلوقتي في سورة الزمر امنه قانت انا الليل ساجدا وقائما دي سورة الزمر. سورة الزمر بتتكلم عن - 00:17:01

اعلى زمرة هتدخل الجنة. اللي هي ايه! شوفوا ربنا بقى بيوصف نعيم دول في اخر السورة بيقول وسيق الذين اتقوا ربهم الى الجنة زمرا حتى اذا ها وفتحت ابوابها. التمانية يا رب - 00:17:21

دول اللي هيفوزوا بابواب الجنة التمانية بازن الله ربنا يجعلنا منهم يا رب بازن الله. دول اللي هيفوزوا بابواب الجنة التمانية. يعني سورة الزمر بتتكلم عن اعلى زمرة ادخل الفردوس الاعلى بتتكلم عن الزمر اللي هتنادي من ابواب الجنة الثمانية. بقى العمل ده يوصل لده. مين اللي يزهد في دي ؟ اسمع الى قول الله سبحانه - 00:17:35

وتعالى ومن الليل ومن الليل يعني مش من النهار النهار له احوال. والليل له احوال ومن الليل الليل الغالي قوي ده اللي ما لوش الليل ده محروم. اللي ما لوش ليل ده فقير يا اخوانى - 00:17:55

اللي ما لوش ليل ده مسبوق يا اخوانى. ومن الليل فتهجد به. مش تهجد فيه. تهجد في نص ساعة ساعة. تهجد به اقطع الليل بالتهجد ايه التهجد ده ؟ الوجود اللي هو النوم ؟ تهجد يعني ازل النوم طير النوم بقى كفاية نوم يا اخوانى كفاية - 00:18:08

يا اخواتنا كفاية نوم الواحد ينام قليلا ويستيقظ لكي يصلى بين يدي الله سبحانه وتعالى ومن الليل فتهجد به نافلة لك الواحد مكسوف وهو بيشرح الایات دي جدا واحد مكسوف من نفسه وهو بيشرح الایات دي. لان دي مش احوالنا يا جماعة. وكلنا عارفين ان دي مش احوالنا. وكلنا عارفين ان لا الناصح ولا المتنصح دي احواله يا اخوانا - 00:18:28

ولكن نسأل الله الفتح ونسأل الله الهدى ونسأل الله ان يعمر قلوبنا بما عمر به قلوب الصديقين. ونسأل الله سبحانه وتعالى ان يملأ قلوبنا بما ملأ به باعمال الصالحين. ونسأل الله ان يجعلنا له صوماين. له قوامين. انه ولـ ذلك وال قادر عليه. قال تعالى ومن الليل فتهجد - 00:18:51

به نافلة لك يعني مش مقابل بقى استغفر الله يعني يا رب هتدي له ايه يا رب ؟ هتدي للي هييعمل كده ايه يا عسى ان يبعثك ربك مقاما ممودا. للنبي ايه المقام المحمود؟ المقام المحمود ان فيه لحظة في يوم القيمة - 00:19:11

ولا مخلوق هيفكر في مخلوق. حتى الانبياء والملائكة هيكسوا على ركبهم ويقولوا نفسي نفسي. ده لحظة بدء الحساب لما كل الخالق من الحر هتجن من الموقف اللي هي فيه ظاهرة الى الانبياء والى الرسل والى الملائكة ما حدش قادر ان هو يفكر في اي حد - 00:19:29

فحينند يهرب الناس الى رسول الله صلى الله عليه وسلم. وحينند يشفع رسول الله صلى الله عليه وسلم الشفاعة العظمى. ايه الشفاعة العظمى؟ اللي هي ان امته تدخل الجنة؟ لا يا اخوانا - 00:19:49

في شفاعات تانية للنبي عليه الصلاة والسلام. الشفاعة العظمى ديت اللي هي ان يبدأ الحساب اللي هي اللحظة اللي كل الانبياء نفسهم ما يقدروش يتكلموا فيها. دي يعني ايه مقاماً محموداً؟ اللحظة اللي كل الخلائق تبهر بمقام النبي عليه الصلاة والسلام عند الله -

00:19:59

الوحيد في المخلوقات كلها اللي يقدر ان هو يستشفع عند الله سبحانه وتعالى في هذا الوقت. طب لو علينا احنا بقى عسى ان بيعثوك ربك مقاماً محموداً يعني ايه ان ربنا يرفعك يوم القيمة رفعه. جميع الخلائق تنبهر بها. ما اعظم ثواب القوامين - 00:20:16  
ده سواب يا اخواننا ولكن فيه حاجة تانية اسمها ثمرة القيام او دعاء الاسحار او دعاء الليل. يا اخوانا سهام الليل لا تخطئ. الواحد يعلم قصص كثيرة عن اجابة الدعاء في قيام الليل تذوب لها القلوب. اللي عنده مرض ومزمم ومقلق ومتعب. ويدعى ربنا وقبل ان ينفجر الفجر يستجاب - 00:20:33

دعاء واللي عنده طلب مش مصدق انه ممكن يحصل ويتوسل الى الله في الربع ساعة الا قبل الفجر وقبل ما الفجر عمود الفجر ينشق استجاب الدعاء. دعاء الليل لا تخطئ سهامه. دعاء القيام ده لا تخطئ سهامه. مش عايزين نحرم نفسنا من دعاء القيام. طب نعمل ايه - 00:20:53

ما هو الوقت الواحد يسمع حاجات القيام والواحد طول عمره كان يفكر كده للاسف الشديد الواحد يعني كان نفسه ان حد بس يعني ايه يعني يفهموا الواقعية في التعامل مع هزء العبادات العظيمة. يعني بتوع علم النفس وكده يقول لك خلبي. خلي اول خطوة دايما خطوة - 00:21:14

سهلة بسيطة. يعني الواحد كان زمان يسمع عن القيام وهو لسة في اول الالتزام. عايز اقوم التلت الاخير. يا سيدى ابدأ بس بعد العشاء. ابدأ بعد العشاء. ابدأ بعد العشاء - 00:21:32

افرض انت نزام نومك مش جاي مع الموضوع ده ما انتاش عارف. هتفضل بقى تحاول وهتفضل تأجل عبادة يا اخوانا خلو كانوا واقعيين. لو انت لست لك عشرين سنة بازن الله مسلا في الدنيا - 00:21:42

لو قعدت سنة تقوم بعد العشاء لحد ما تمكن قلبك من حب العبادة وقمت بقى بعد كده قافز على التلت الاخير تسعتاشر سنة انت كسبان ولا ألا ولا تفضل عشرين سنة حاطط ايدك على خدك لانك مش عارف تبدأ البداية الصعبه دي ومش عارف تبدأ يبيتون لربهم سجدا وقىما. خلينا واقعيين يا اخواننا يعني انا باقول لكم الكلام - 00:21:52

اللي انا يعني يعني بانصح به نفسى واللي انا لما باحاول اطبق باحاول اطبقه على نفسى. انا مش باقول لكم الكلام انا باقول لكم الكلام العملي الواقعي اللي الواحد لما بيبدأ ان هو - 00:22:12

فعلا بيحاول ان هو يطبق ويحاول ان هو يعمل بيلاقى ان هو ده الكلام اللي يتناسب مع همنا البسيطة وزروفنا ومشاغلنا نبدأ يا اخواننا قيام الليل بعد العشاء نبدأ نجرب جرب النص ساعة جرب ساعتين جرب ساعتين انت حر. اللي انت عايزه بقى على حسب بقى فتح الله على قلبك. دي فتوحات لله سبحانه وتعالى على القلوب. عايز ايه - 00:22:22

الرسول عليه الصلاة والسلام سنته قام من اول الليل. وقام من اوسط الليل وقام من اخر الليل عليه الصلاة والسلام. الامر واسع يا اخواني. ودعاء الليل اسمع دعاء يعني صليت في اول الليل صليت في اوسط الليل صليت في اخر الليل. نبدأ بس كده نتدرّب مع بعض بازن الله سبحانه وتعالى. يبقى دي اول صفة تكلمنا عنها. يعني هو المفروض ان ما كانش - 00:22:43

صفقة ولكن يعني يمكن شوق الواحد للعبادة دي بالزارات. وامنية الواحد ان ربنا يفتح علينا جميعاً في العبادة دي بالزارات. واحد بيحزن على منزد شوارع المسلمين. ساعة صلاة الفجر كأنها مقابر الواحد كأنه ماشي في المقابر بالزبط - 00:23:03

بالزبط ما فيش حد صاحي الكل نايم الكل نايم تمشي في شارع من اوله لآخره تلacci واحد نازل. ده انا لقيت واحد نازل. سبحان ربى امتنى يا اخوانا ربنا هيفير هذا الحال الى احسن حال بازن الله - 00:23:17

سبحانه وتعالى هنتكلم عن صفة ايه تاني؟ نتكلم عن صفة الذكر. طبعاً بنام في عشر ذي الحجة نتكلم عن الصفة اللي الواحد كان ناوي انه بيبدأ بها اصلاً. قال رسول الله - 00:23:30

صلى الله عليه وسلم الا انبيئكم انا عايزكم تتدبروا في الحديث بقلب بقى بقلب حي بقى الا انبيئكم يعني ايه انباء؟ يقول لك انباء اخر  
الانباء يعني الاخبار العظيمة فلان اسقطت حكومته وفلان قامت دولته وال الحرب الفلانية حصل فيها كذا. وحصل كذا. دي يعني اخبار  
خطيرة في الدنيا - 00:23:40

لاهل الدنيا انباء ولاهل الآخرة انباء. الا انبيئكم دي انباء طلاب الآخرة بقى. دي الاخبار العظيمة بتاعة طلاب الآخرة. نبئنا يا رسول الله  
نبيتنا يا حبيب الله عليه الصلاة والسلام - 00:24:02

الا انبيئكم بخير اعمالكم يعني ايه؟ يعني رياض الصالحين الفين عمل. انا يا رب هعمل ايه ولا هسيب ايه مش قادر عايز عمل بقى هو  
ده هو ده. الا انبيئكم بخير اعمالكم واذاكها عند مليككم. يعني لما صحيفتك تترفع كل اتنين وخميس لله سبحانه وتعالى -  
00:24:15  
دكتور عمر ربنا يحبك بسبب واكثر عمل ربنا يرضي عنك بسبب. اكثر عمل ربنا يقربك بسبب. اكثر عمل ربنا يفتح عليك ويختارك  
بسبيه واذاكها عند مليكه وارفعها في درجاتكم. ده احنا دخلنا في الجنة بقى. والانطلاق في درجات الجنة اسانسير في الجنة. وارفعها  
في درجاتكم - 00:24:36

وخير لكم من انفاق الذهب والورق. يعني عندك طقم دهب ونزلت بعديه وتصدق به؟ لأن ده دي اعلى. الله! دي اعلى! ده ايه ده بقى!  
ايه العبادة دي خير لكم من ان تلقوا عدوكم فتضربوا اعناقهم ويضربوا اعناقكم. يا رب ايه العبادة اللي اعلى من الانفاق والجهاد دي يا  
رب - 00:24:56

يا رب ايه العبادة العظيمة دي! قال رسول الله صلى الله عليه وسلم ذكر الله سبحانه وتعالى. ذكر الله عز وجل ذكر الله ليه ربنا بيحب  
الذكر كل الحب ده؟ هو يا اخوانا لما شاب بيحب حد ولا حد يقول لك انا دخلت في يقعد يتكلم عن اللي بيحبه ليل نهار بيحبه -  
00:25:16

لسانه على طول بيذكره لانه بيحبه. فذكر الله دوام ذكر الله. ده علامه حب لله سبحانه وتعالى علامه حب لله. يبقى الحديث ده بيقول  
لك ايه؟ بيقول لك ذكر الله انه يقول سبحان الله مره احسن من كل ده! لأن ده المداوم على ذكر الله. المداوم على ذكر ايه؟ طب  
نسمع الحديث - 00:25:36

تاني بقى بس بقلوبنا بقى نغمض عينينا كده ونسمع الحديث تاني. الا انبيئكم بخير اعمالكم واذاكها عند مليككم وارفعها في درجاتكم  
وخير لكم من انفاق الذهب والورق وخير لكم من ان تلقوا عدوكم فتضربوا اعناقهم ويضربوا اعناقهم - 00:25:53  
اعناقكم ذكر الله المداومة على ذكر الله. انك انت تفضلني عايشة مع ذكر ربنا ان قلبك ولسانك دول مع ربنا سبحانه وتعالى. الايام دي  
اصلا ايام زكر الله نتحدى المرة اللي فاتت عن - 00:26:15

ان حديث النبي عليه الصلاة والسلام ما من ايام اعظم عند الله ولا احب الى الله العمل فيهن من هذه الايام. طب نعمل ايه يا رسول  
الله بقى ايه العمل اللي انت تختاره له - 00:26:29

حبيب الله عليه الصلاة والسلام ايه العمل اللي نشن عليه بقى في الايام دي؟ فاكثروا فيهن من التسبيح والتحميد والتکبير والتهليل  
سبحان الله والحمد لله. ولا الله الا الله اكبر برة العشر تيام دول كل كلمة بشجرة في الجنة. امال يا رب في هذه الايام -  
00:26:39

تضاعف فيها الاعمال مئات والاف المرات. يبقى الثواب بتاع هزه الكلمات ايه؟ الايام دي اصلا يا اخواننا ايام تکبير وجهر بالتكبير. ابن  
عمر وابو هريرة كانوا يخرجوا في الاسواق يكبروا الله اكبر. الله اكبر الله اكبر لا الله الا الله. الله اكبر الله اكبر والله الحمد -  
00:26:59  
بيجهروا ويكبّر الناس بتکبيرهم. يعني ايه يكبّر الناس بتکبيرهم؟ الناس عايزه قائد. الناس عايزه حد يقودها. الناس نفسها بتاع ربنا.  
ولكن نفسها انها تشوف حد قوي في حد جريء في الدين خليك جريء في دين ربنا. خليك جريئة في الدعوة الى الله. خليك قوي في  
انكار المنكر. خليك قوية في الدعوة الى الله. سبحانه - 00:27:19

الناس عايزه تشوف حد قوي في الدين يا اخواننا. الناس بتتحب ربنا. وعايزه تطيع ربنا بس عايزه تشوف حد فعلًا عنده قوة في طاعة  
ربنا. وقوة في انكار المنكر وقوة في الدعوة الى الله. لما تشوف المنزد ده هتتزلزل وهتصدق فعلًا يا اخواننا. خليكم اقوياء -

في دين ربنا ويكبر الناس بتكبيرهم. لما لقوا من يقودهم في العبادة انطلقوا في عبادة ممكן تبقى صعبة على النفوس جدا. لأن الناس أنا اعلى صوتي وقدام الناس وسبحان الله مشهد مهيب جميل عظيم امتنى يرجع في شوارع المسلمين؟ أنا يعني الواحد ساعات يفكر كده طب ما الواحد ينزل الاسواق - 00:27:55

الله أكبر. أنا لو نزلت الاسواق قلت الله أكبر الناس مش هتعرف اصلا أنا بكبر ليه. لأن ممكן يكون ناس كتير جدا مش عارفين اصلا ايه قضية عشر ذي الحجة وايه قضية التكبير - 00:28:15

وايه قضية الجهل؟ يعني ربنا يغير حانا لاحسن حال. ربنا يغير حال الامة. لاحسن حال. صفقة الذكر. صفقة عظيمة. بس عايزين بقى ايه؟ ننتقل اووعى كده يا اخوانا ما بين الصفقات صفقة الصيام. اوعوا يا اخوانا اوعوا يكون صفقة الصيام دي ضايعة مننا. احنا النهاردة كنا تاني يوم في عشر ذي الحجة يعني بكرة تالت يوم - 00:28:25

الله سبحانه وتعالى يعني اوعوا اوعوا صفقة الصيام ديت تضيع مننا او نفرط فيها الم تسمعوا الى قول رسول الله صلى الله عليه وسلم عليك بالصوم فانه لا ما لوش مسيل عبادة ما لهاش مسيل. الم تسمعوا الى قول رسول الله صلى الله عليه وسلم؟ من ختم له بصيام - 00:28:45

يوم دخل الجنة. طب يا رب اموت وانا صائم ازاي؟ ما هو مش بايدي يعنيانا ممكنا اعيش وانا صائم. بس اموت وانا صائم ازاي؟ بسيطة جدا. بسيطة ازاي؟ ما انا عاش علشان - 00:29:05

ان مات عليه عيشي على الصيام تموت على الصيام. اتنين وخميس وايام عشر ذي الحجة. وتلتasher واريتعasher وخمستasher نعيش على الصيام. حتى نموت على هذه العبادة العظيمة شوفوا الحديث الخطير ده. قال رسول الله صلى الله عليه وسلم شوفوا الاحاديس دلوقتي يا اخوانا هيحصل تحويلة غريبة جدا جوة الحديث. الحديث فجأة هيترقلب من حديث نبوى لحديث - 00:29:15  
قدس جوة الحديث. قال رسول الله صلى الله عليه وسلم كل عمل ابن ادم يضعف. كله كله كرم ربنا عشرة امثالها الى سبععائة ضعف. من عشرة لسبعمية ده ايه الكرم ده يا رب! عشرة امثالها انا انا متخيل دلوقتي الصحابة وهم بيسمعوا الكلام من النبي عليه الصلاة والسلام - 00:29:37

من عشرة لسبعمية والقلوب عايشة مع المضاعفة وفجأة قال الله عز وجل الا الصوم. هو ايه ده؟ ده النبي هو اللي بيقول كده. الحديث في قلب من حديث نبوى الحديث قدسي - 00:29:58

يعني النبي عليه الصلاة والسلام بيقول حمال بتضاعف من عشرة لسبعمية. فجأة الكلام اقطع. قال الله عز وجل الا الصوم. حاجة تشد قلبك كده. يعني كان النبي عليه الصلاة والسلام - 00:30:10  
استثير انتباه الصحابة لهذه العبادة بالذات يعني كتاب رياض الصالحين ماسكينه اهو كل الاعمال اللي في رياض الصالحين بتتضاعف من عشرة لسبعمية وتقوم شايل ورقة الصيام الا العبادة دهي. الا دي قال الله عز وجل الا الصوم فانه لي وانا اجزي به يدع شهوته وطعامه من اجل يعني ايه؟ يعني ابشروا يا اخوانى - 00:30:20

عبادة الصيام على الميزان اكتر من سبععمية ضعف كمان. ياه! طب مين اللي يفرط في العبادة دي! طب كملوا بقى الحديث بقى اسمعوا باقي الحديث بقى للصائم فرحتان ده ده جزء من الحديث ده. فرحة حين فطره وفرحة حين يلقى ربه يعني موت الصوام دي افراح - 00:30:40

الصوم ده افراح الناس بتبكي عليه وهو في افراح. اسمعوا باقي الحديث بقى يا اخوانا ولخلوف فم الصائم اطيب عند الله من ريح المسك لحظةبعث وهو طالع من تحت التراب اطيب عند الله من ريح المسك. يا سلام! ايه العبادة اللي بتثور لحزة البعض وبتنور الميزان وبتنور - 00:31:00

هو ايه العبادة العظيمة دي؟ لا يا اخواننا مش بس كده. ده بعض ائمة السلف زي سفيان يعني يمكن من العصر الحديث زي الشيخ الفوزان. قالوا ان الصيام ده - 00:31:20

كل الاعمال عند القنطرة اللي هي بيخلص فيها حقوق العباد ممكناً اللي انت زلمته او اللي انت زلتبيها ياخذ من حسناتك من الصدقة من الصلاة اي حاجة الا الصيام. قال لك الصيام ده العبادة اللي ما حدش يعرف ياخذ منك فيها حاجة. ياه! يعني يا فرحة الصواميل على القنطرة! يعني الصيام ده يا اخواننا زي - 00:31:30

مجلس الشعب الوقتي كده يقول لك حسانة. الصيام ده عبارة عليها حسانة. ما حدش يعرف يقرب لها الصيام ده عبارة عليها حسانة. مين بقى اللي يفرط في العبادة دي؟ مين اللي يفطر في في هذه العبادة العظيمة؟ قال رسول الله صلى الله عليه وسلم من صام يوم 00:31:50 -

يوماً شوفوا بقى اللي صامه النهاردة وصامه امبارح ده يوم واحد بس كده. باعد الله في سبيل الله. باعد الله او باعد الله وجهه عن النار خريفاً سبعين سنة يا رب. سبعين سنة يعني اللي غيرك يقطعه في الطريق الى الله في سبعين سنة. انت قطعته في يوم واحد 00:32:06 -  
عبادة الصيام -

طب يعني وجه يبعد عن النار ليه؟ الواحد لما بيتص للشمس يا اخواننا الشمس دي كائن بيكون من تلات طبقات. الشمس بتاعتنا الصغيرة دا هي الطبق اللي برة درجة حرارتها ستمائه درجة مئوية. الطبقة اللي في النصف درجة حرارتها تمانية مليون درجة مئوية - 00:32:25

القلب بتاع الشمس خمسة ملايين مليون درجة مئوية. انا عايز اقول لك يعني واحد ما اترماش في الشمس ولا حاجة ولكن واقف قدام الشمس هيستحمل ازاي؟ يعني شف احنا على بعد ثلاثة وتسعين مليون ميل من الشمس وممكن واحد يجي له ضربة شمس يموت فيها. طب تخيل انت عايز تبعث بقى كم - 00:32:41

مليون ميل عن جهنم. عشان تتجو من لفحها وحرها. يعني اذا احنا محتاجين الصيام. عبادة محتاجينها بكل قوة. الم تسمع الى حديث رسول الله صلى الله عليه وسلم ان الله - 00:32:59

وملائكته يصلون على المتسحرين الله! يعني ده لسة يا رب ما بدأش الصيام! يا رب ده لسة ما بطلش! ده لبس بياكل! مش ممتنع عن الاكل! السواببدأ من وهو - 00:33:12

لسه بيستعد للعبادة او مال لما بيدخل في العبادة بقى ويتبس في العبادة بقى ساعتها هيبي السواب شكله ايه؟ الم تسمع الى حديث رسول الله صلى الله عليه وسلم ثلاثة لا ترد دعوتهم. واحد منهم الصائم - 00:33:28

حتى يفطر مش بس حين يفطر حتى يفطر. يعني طول اليوم دعاء مستجاب باذن الله. سبحانه وتعالى. مين بقى اللي يفرط في العبادة دي مين اللي يفطر في الصفة العظيمة دي؟ مين اللي يفطر في في يعني المعاني الخطيرة دي الوقفات بتاعة عشر ذي الحجة وبتاعة رمضان؟ دي يا اخواننا عشان نتملى هذه المعاني - 00:33:44

عشان نتشاحن بهذه المعاني. عشان المعاني دي تتجدد في قلوبنا ما عدناش نقدر نسيبها بعد كده بقى خلاص. كلمنا عن صفة قيام الليل وما اعظمها من صفة. اتكلمنا عن صفة ذكر الله الا انئكم بخير اعمالكم. اتكلمنا عن صفة الصيام عليك بالصوم فانه لا اعدل له. اتكلمنا عن هذه الصفقات - 00:34:04

نتكلم عن صفة ايه تاني بقى في عشر زي الحجة اصل صفات كتير جدا قبل ما ندخل في صفة صلة الرحم لأن دلوقتي يعني حسبنا الله ونعم الوكيل يعني. ربنا ينقذنا مما نحن فيه. المعاملات عند المسلمين بقت يعني صعبة جدا - 00:34:24

الاخلاق والمعاملات بقت صعبة جدا ندخل بس في صفة تعبدية بس خطيرة جدا. صفة الدعاء الدعاء لله سبحانه وتعالى. صفة الدعاء يا اخواننا ما ينفعش تضيع منا في عشر ذي الحجة. ما ينفعش ما بين كل اذان واقامة او عي تضيعي لحظة. او عي - 00:34:38 ده لحظة دعاء في قيام الليل الدعاء في كل وقت. يعني هناك اثار ان الدعاء في العشر تيام مستجاب. صفة الدعاء الدعاء عبادة ربنا بيجوها او ي سيدنا زكريا في القرآن سيدنا زكريا النبي يعني سيرة النبي عليه الصلاة والسلام سيدنا محمد بتقلب الصفحات شف الاحداس. سيرة سيدنا زكريا في القرآن كلها زكر في - 00:34:55

ده حدس واحد بس في التلات مرات اللي ذكر فيهم في القرآن وهو رافع ايده وبيقول يا رب في سورة مريم ها از نادى ربه نداء

- خفيا. في سورة انباء وزكريا از نادى ربه. رب لا تذرني فردا. في سورة ال عمران هنالك دعا زكريا ربا. قال رب هب لي من لدنك

00:35:16

ذرية طيبة. يعني سيدنا زكريا في القرآن كل واحد رافع ايده الى الله. وبيدعي شوفوا حب ربنا للدعاء قد ايه. لدرجة ان يعنينبي من الانبياء العظام عليه الصلاة والسلام وربنا كل السيرة اللي يذكرها في القرآن وهو رافع ايده وبيدعي ربنا سبحانه وتعالى من الحاجات الغريبة جدا في ايات الدعاء في القرآن ان الدعاء يا - 00:35:36

يا اخواننا الاجابة مش على قدر الدعاء. انت بتدعى على قدرك. وربنا بيفتح عليك على قدرك. ولقد نادانا نوح فايه؟ فلنعلم المجبوبين يعني هو دعا سيدنا نوح وهو بيقول رباني مغلوب فانتصر. شف الدعاء طب شف الاجابة بقى ففتحنا - 00:35:56

ابواب السماء بماء منهم. ايه ده يا رب كل الاجابة دي! وفجرنا الارض عيونا. فالتقى الماء على امر قد قدر وحملناه على ذات الواح ودسر. سيدنا نوح وهو بيدعى هل كان يتخييل هزه الاجابة المهمولة دي كلها؟ سيدنا زكريا هو بيقول رب لا تذرني فردا. ربنا بيقول - 00:36:14

يا زكريا انا بشرك بغلام اسمه يحيى لم يجعل له من قبله سميا ما لوش زي يا يحيى. يا زكريا عليه الصلاة والسلام يا سيدنا زكريا وهو بيطلب هل كان يتخييل ان الاجابة ممكن هتبقى يا اخواننا الدعاء انت بتدعى على قدرك مهما كان. ولكن ربنا سبحانه وتعالى بيعطيك على قدرك - 00:36:34

سيدنا ايوب مسني الضر وانت ارحم الراحمين فاستجبنا له فكشنينا له فكشنينا ما به من ضر فورا. رغم انه مرض مزمن بقى له تمنتasher سنة فورا. واتيناه اهله ومثلهم معهم. ايه ده! ازاي ده! يا اخواننا عطاء ربنا - 00:36:52

ابحث على ربك لما بيعطي سبحانه وتعالى طيب ليه من لا يسأل الله يغضب عليه؟ ليه من لا يسأل الله يغضب عليه ليه؟ اصل انا لما ما بطلش منك حاجة هي حاجة من اتنين - 00:37:08

يا اما مستبخلك! يا اما انت معكشى! يا اما معك بس انت بقى مين اللي هيدينى! طب انت بقى ما بتدعىيش ربنا ليه؟ يعني انا لو عارف انك كريم - 00:37:20

وعارف انك غنى. طب ما انا هطلب منك على طول. انما الوقت سبحانه الله شوفوا يا اخواننا يوم عرفة بيقف على على عرفة ثلاثة مليون. ثلاثة مليون يا اخواننا الواحد يعني بيقف على عرفة ممكن يكون محضر خمسين ستين دعوة. تخيلوا بقى لو كل واحد منهم عشر دعوات بس. في الثالثة مليون بتلاتين مليون دعوة ده غير اللي برة عرفة - 00:37:30

ثلاثين مليون دعوة ربنا بيستجيب للجميع الا من شاء الله سبحانه وتعالى. الاصل ان الكل بيستجاب له. كل هذه الدعوات يا الهي. ربنا يا اخواننا ربنا كريم يا سحاء الليل والنهار خير نازل من يمين الرحمن فيضانات على عباده. سبحانه وتعالى بل يداه مبوسطتان ينفق كيف يشاء - 00:37:50

المسل الاعلى انا مش يعني مش مش تشبيها انما انا بقول ان يعني يعني الملوك لما يقول لك بيدي باليديه الاتنين يعني ده واحد بقى بيغرف من الخزاين بقى يعني ايه - 00:38:10

ده عند ملوك الدنيا. واحد بقى مش بيديك كده. ده واحد بيديك كده. يعني حاجة بقى ايه؟ يعني عطاء عزييم جدا. فربنا والله المسل الاعلى بيقول لك بل يداه سبحانه وتعالى - 00:38:20

بل يداه مبوسطتان ينفق كيف يشاء. شوفوا بقى الكرم يعني مين يا اخواننا انت مستبخلك ولا مستفتر ولا ايه القضية. الرسول عليه السلام من احساسه بغني الله. كان بيقول له اللهم اني في صحيح ابى داود. اللهم اني اسألك من الخير كله كله. يا نهار ابيض! هو - 00:38:30

ده يعني ده ممكن يتطلب عاجله واجله كمان ما علمت منه وما لم اعلم. يعني لو جمعنا كل ملوك الدنيا وملطم مليارات الدنيا وقلنا لهم معلش يا اخواننا بس نسائلكم من الخير كله عاجله واجله. ما علمناه منه وما لم نعلم هيقدعوا يضحكوا. وايه مين اللي بيقول ده؟ مين بيقول ايه اصلا؟ هو مين اللي يقدر - 00:38:50

الكلام اللي انت بتقوله ده انما ربنا تطلب منه هزا الطلب. يا عبادي لو ان اولكم واخركم وانسكم وجنكم يعني كم دول خمسين سنتين مiliار مسلا مخنوق قاموا في صعيد واحد. فسألوني فاعطيت كل واحد منهم مسأله. ما نقص ذلك من ملكي. الواحد ساعات بيتحيل الحديث ده. يعني - 00:39:10

اعلى واحد هيطلب ايه ملك الارض ملك الارض خلاص يا سيدى هم في سنتين ملياري بستين ملياري ارض. بستين ملياري. مجرة التبانة بس. المجرة الصغيرة. النور والحبة الباتع اللي مش متشافه في وسط الكون ديت فيها ميت ملياري نجم زي الشمس كل نجم بقى له كواكب وله كويكبات ومذنبات وشهب - 00:39:30

والاقمار يعني تخيلوا يا اخواننا الموضوع كبير جدا. يعني لو كل واحد طلب قد الكرة الارضية ده مجرة التبانة الوحيدة تبقى اكتر من كل ده. موضوع كبير جدا موضوع خطير جدا ربنا عظيم - 00:39:53

قبل ما نسيب صفة الدعاء انا عارف ان كل واحد مننا مكروب وعنه حاجات كثير. عنده مشاكل كتير ولكن كل واحد مننا عنده مشكلة كبيرة او ي يعني كل واحدة مننا ممكن تكون اخت من الاخوات عايزة تتجاوز واحد عايزة حاجة في رزق واحد عنده مرض واحدة ابنها عنده مشكلة كبيرة ونفسها ان ربنا يعافيه منها. واحد - 00:40:06

واحد يعني واحد عايزة يطلب علم واحد عايزة ربنا يفتح على قلبه. واحد عايزة الجنة كل واحد له طلبه بقى على حسب طلبه. يا اخوانا فيه روشتة خطيرة جدا - 00:40:24

جدا جدا النبي عليه الصلاة والسلام لما وقع في كرب شديد جدا لما سحره اليهود يعني تخيل يعني حاجة خطيرة جدا النبي عليه الصلاة والسلام شف السادة بتقول لك ايه حتى - 00:40:34

اسمعي بقى حتى الروشتة دي يا اخواننا خطيرة جدا يا اخواننا. حتى اذا كان ليلة ليلة معينة كده دعا ودعا ودعا. يعني ليلة معينة النبي عليه الصلاة والسلام بقى لما الكرب اشتد على النبي عليه الصلاة والسلام ليلة معينة كده وقام يصلی قيام ليل - 00:40:47 وكل سجدة يتولى وعند كل وقفة يتولى وما بين الصلاة يتولى. فما كان النهار الا. ربنا سبحانه وتعالى فرج الكرب عن النبي، عليه الصلاة والسلام، يعني عايزة اقول ايه ؟ عايزة اقول ده هي ليلة يا اخوانى. الشاب اللي عايزة تتجاوز مش لاقى عروسة. يا ابني ليلة ليلة - 00:41:07

انت اللي عايزة عريض اللي عايزة اي ايا ما كانت بقى كل واحد عنده مشاكله وعنده همومه الحاجة اللي تعبك وليلة حتى اذا كان فدعا ودعا جربوا الروشتة المهولة دي. اللي لا يمكن حد هيجربها يا اخواننا يعني سبحان الله العزيم يعني يعني الواحد - 00:41:27 يعني لما بيشوف قول سيدنا زكريا عليه الصلاة والسلام ولم اكن بدعائك ربى شقيا الباقي هنا باقي المصاحبة بدعائك يعني انا الدعاء ده يا رب صاحبي في حياتي الواحد لما بيرفع ايده لربنا سبحانه وتعالى ويشفوف يعني اجابة الملك سبحانه وتعالى الواحد فعلا بيحس ان اللي عايش من غير دعاء ده عايش ازاي - 00:41:47

ده تعيس ده ولا شقي ده ولا محروم ده ولا عايش ازاي ده! يعني ازاي مستحمل حياته من غير دعاء ومستحمل الابتلاءات دي من غير دعاء ازاي ولم اكن بدعاء اللي هيتجنب الدعاء مش هيعرف يسيبه. اللي هيتجنب الدعاء بس يدعى صح. يدعى صح مش يقول يا رب يا رب يا سلام والله - 00:42:06

ده بتجييب ايه دي في الدنيا دي ؟ في الدنيا دي بتعمل ايه ديت ؟ يعني يعني لو انت عملتها مع اهل الدنيا ولا اسباب الدنيا تعمل ايه ديت ؟ انت بتعامل مع الملك. ادعى صح. قم الوقت اتوщи - 00:42:26

وصلي ركعتين وتتوسل الى الله في كل سجدة بطلب معين وشف بقى اجابة مولاك اه طب انا ما استتجبس ليه! بقى فيه شوية زنوب اقعد بس كده ربع ساعة استغفار بقلب وبتوسل الى الله سبحانه وتعالى وبعدها ادعى وشف - 00:42:36

وشف مولاك وشف عجائب اجابة الدعاء من الملك. سبحانه وتعالى وشف وانت بتدعى في السجود قبل ما ترفع راسك في السجدة. الاجابة تكون تنزلت يا اخوانا اللي بيحصل دلوقتي يا اخوانى مش ده الطبيعي. اللي بيحصل دلوقتي عندنا مش ده الطبيعي. الوقتي اجابة الدعاء صعبة فعلا - 00:42:50

دلوقي الرؤى الصادقة تحس ان هي يعني يعني اخر مرة اتشاف لك رؤية امتي ولا اتشاف لك حتى كابوس امتي اخر مرة طبيعي ان الرؤى كتير الطبيعي ان الرؤيا الصادقة. الطبيعي ان اجابة الدعاء دي الاصل اصلا - 00:43:08

ال الطبيعي ان المؤمن حياته فيها كرامات كثيرة. الطبيعي ان ربنا بييسربنا الدين والهدایة اللي بيحصل ده مش الطبيعي يا اخوانا ليه؟ عشان الذنوب يا اخوانا عشان كثرة الذنوب. عشان كثرة الاثام - 00:43:25

عشان كثرة البعد عن الله ما يقول لك سيف جوبي في الجنة عشان الایفون. طب اللي اخترع الموبايل نفسه؟ يعني اللي اخترع الموبايل نفسه الروسي. من من بلاد ملحدة اصلا - 00:43:41

يعني واحد قال لا الله والحياة مادة يدخل الجنة عشان اخترع تليفون واحد والعياز بالله وخد مليارات حصد من وراء ثمرة هذا العمل. يعني يا اخوانا احنا ايام صعبة والذنوب كثيرة جدا جدا. فعشان كده بس يعني اتعب بس شوية في الدعاء - 00:43:51  
اول بس ما الذنوب كده ايه تهزه كده بشوية استغفار شف بعدها اجابة الدعاء هيبقى شكلها ايه مش عايزين ننسى الصفقة دي الله يكرمكم يا اخوانى والله يكرمكم يا اخواتي مش عايزين - 00:44:07

ننسى الصفقة دي ابدا صدقيني ده الروشتة سعادة في حياتك والله. ولم اكن بدعائك رب شقيا. انا يا رب الدعاء ده سر سعادتي في الحياة. صدقوني يا اخوانى ويا احبابي في الله - 00:44:17

الروشتة دى سر سعادتنا في الحياة. روشتة حتى اذا كان ليلي فدعا ودعا ودعا. اللي هي ليلة لدعوة. ندخل بقى في صلة الارحام لأن يعني يعني ييدو ان احنا اقتربينا برضه من نهاية الحلقة. صفقة صلة الرحم. احنا قلنا على عبادة الدعاء انها عبادة ربنا بيحبه سبحانه وتعالى. طيب - 00:44:27

صلة الارحام ما دي ايام صلة ارحام وبر واكرام وبر والدين طيب عبادة صلة الارحام اعباء السلطة الحامية عبادة خطيرة. شفتم يا اخوانا بالزبط عبادة صلة الارحام بالزبط شفتم جنinin في بطن امه متعلق بالحبل السري في في الرحم الحبل السري - 00:44:47  
الجرين كده مش شغالة رئته مش شغالة. الحبل السري ده بيقوم مقام حوالى ست اعضاء. لأن لسه اعضاء ما اشتغلتش. لو واحد جاب مقص وقطع الحبل السري انتهى. بالزبط عبادة صلة الرحم هي الحبل السري دهو. من وصلك ده حديث قدسي. وصلته حبل الرحمات موصول. طب ومن قطعك - 00:45:04

بتاتو دي رواية ودي رواية حبل الرحمات يتقطع والعياز بالله. فواصل الرحم موصول من الله. وقاطع الرحم مقطوع عن الله الحديث العظيم العظيم من اراد ان يبسط له في رزقه ومين مش عايز يا رب وينسا له في اثره يعني عمره يطول اول بركة في العمر - 00:45:24

العمر ما عدش فيه بركة ولا النهار فيه بركة ولا الليل فيه بركة. اللي عايز بركة بقى في الليل والنهر والايم والاسابيع والشهور. الطالب اللي عايز بركة في الوقت عشان يقدر يزاكر - 00:45:46

كويس اللي ما عندهاش بركة في وقتها اما بتطبع وتشوف حاجات عيالها اليوم بيكون راح. اللي ما عندهوش بركة طالب علم وعايز يزاكر. وربنا يبارك له في الوقت العابد اللي نفسه يعبد ربنا - 00:45:56

والوقت ما فيش فيه بركة. اهو يا اخوانا العبادة الوحيدة اللي النبي عليه الصلاة والسلام قال انها ممكن تطيل العمر او بقدر الله سبحانه وتعالى. او انها تبارك في العمر - 00:46:07

البركة في العمر اخطر من اطالة العمر البركة في العمر اخطر من اطالة العمر. من اراد ان يبسط له في رزقه وان ينسأ له في اثره فليصل رحمه. اومال الصحابة طلعوا - 00:46:17

حدائق في اللي على ارحامهم ليه؟ مين الوقت اللي عنده عمارة يدي شقة لقريبه؟ مين يا اخوانا مين يا اخوانا الحاجات دي لازم ترجع لأن دي صفات اهل اليقين الصحابة عملوا ما هو اعظم من هذا قرايببي بيكرهوني كالمعتاد وهنقول الحديث اللي بيتقابل في هزا - 00:46:30

بالمناسبة افضل الصدقة على ذي الرحم الكاشح افتكر الحديث ده لأن العيد جاي واللي مش هيعرف يصل قرايبه في الايام من ذي

الحجـة اول يوم العـيد ده اليـوم العـاشر وافضل ايـام الدـنيـا عند الله سـبـحانـه وتعـالـيـ. والـيـوم - 00:46:46

الـعاـشر في عـشـر ذـي الحـجـة فيـوـم صـلـة رـحـم اـسـاسـا عـنـد النـاسـ. لـأ مـش دـه اـنت تـبـدـأ بـالـلي قـاطـعـكـ. اـبـدـأ بـالـلي قـطـعـكـ من قـرـايـبـكـ. اـبـدـأ بـالـلي قـطـعـكـ من قـرـايـبـكـ دـه دـه بـيـكـرهـي اـفـضـل الصـدـقـة عـلـى ذـي الرـحـم الكـاشـ. اـمـا الـواـحـد دور عـلـى معـنى كـشـح فـي آـلـغـة العـربـ فـي يـعـني فـي فـي المـعـجمـ. لـقـيـت ان معـنى الكـشـح - 00:47:02

الـحـقـد وـالـغـلـ وـالـسـوـادـ يـعـني لـهـا عـلـاقـة حـتـى يـعـني العـقـارـبـ يـعـني يـعـني اللـيـ بـيـحـقـد عـلـيـ اوـيـ اوـيـ بـيـحـقـد عـلـيـ وـبـرـضـو تـتـصـدـق عـلـيـهـ. وـدـهـ يـبـقـى اـفـضـل الصـدـقـة عـنـد الله سـبـحانـه وـتـعـالـيـ. يـعـني عـاـيـزـينـ نـبـقـى فـرـسـانـ الـقـرـآنـ طـبـعاـ يـعـني يـعـني هـنـنـسـى بـعـد صـفـقـاتـ فـرـسانـ - 00:47:23

صـيـامـ وـفـرـسـانـ الـزـكـرـ وـفـرـسـانـ الـقـيـامـ وـفـرـسـانـ الـدـعـاءـ وـفـرـسـانـ صـلـةـ الـلـارـحـامـ هـنـنـسـى فـرـسـانـ الـقـيـامـ ياـ نـهـارـ اـبـيـضـ! اـمـالـ يـبـقـى اـتـكـلـمـناـ فـيـ ايـهـ ياـ اـخـوانـاـ! ياـ اـخـوانـاـ الحـرـفـ بـعـشـرـ حـسـنـاتـ بـرـدـةـ الـاـيـامـ دـيـ طـبـ لوـ الـاـيـامـ دـيـ بـقـىـ المـضـاعـفـةـ سـبـعـمـيـةـ ضـعـفـ زـيـ اـبـنـ عـبـاسـ ماـ روـيـ عنـهـ فيماـ يـعـني رـوـاهـ الـائـمـةـ عـنـهـ يـعـني سـبـعـمـيـةـ فـيـ 00:47:43

عـشـرةـ بـسـبـعـ تـلـافـ الـحـرـفـ بـسـبـعـ تـلـافـ حـسـنـةـ مـمـكـنـ يـبـقـىـ بـكـدـهـ وـمـمـكـنـ يـبـقـىـ اـعـلـىـ منـ كـدـهـ كـمـانـ. لوـ الـحـرـفـ بـعـشـرـ حـسـنـاتـ. تـخـيلـواـ ياـ اـخـوانـيـ بـسـ بـصـدـقـ كـدـهـ. لوـ كـانـ بـعـشـرـ جـنـيـهـ. لوـ الـدـوـلـةـ كـانـتـ بـتـصـرـفـ عـلـىـ الـحـرـفـ عـشـرـ جـنـيـهـ كـانـتـ النـاسـ عـمـلـتـ اـيـهـ؟ كـانـتـ النـاسـ قـعـدـتـ لـلـيلـ نـهـارـ تـقـرـأـ الـقـرـآنـ. طـبـ اـحـنـاـ يـقـيـنـاـ عـلـىـ الـعـشـرـ جـنـيـهـ اـكـتـرـ مـنـ يـقـلـ - 00:48:03

عـلـىـ عـشـرـ حـسـنـاتـ. رـغـبـتـنـاـ فـيـ الـعـشـرـ جـنـيـهـ اـكـتـرـ مـنـ رـغـبـتـنـاـ فـيـ الـعـشـرـ حـسـنـاتـ. فـيـنـ الـيـقـيـنـ ياـ اـخـوانـيـ؟ فـيـنـ الرـغـبـةـ عـلـىـ اللـهـ ياـ اـخـوانـيـ؟ فـيـنـ الصـدـقـ ياـ اـخـوانـيـ؟ فـيـنـ حـبـ اللـهـ ياـ اـخـوانـيـ - 00:48:23

فـيـنـ تـصـدـيقـ اللـهـ ياـ اـخـوانـيـ؟ عـشـانـ كـدـهـ النـبـيـ عـلـيـهـ الـصـلـاـةـ وـالـسـلـاـمـ بـيـقـولـ لـكـ اـيـكـمـ يـحـبـ اـنـ يـغـدوـ عـلـىـ بـطـحـانـ اوـ الـعـقـيقـ اـمـاـكـنـ بـقـىـ اـيـهـ بـتـبـيـعـ اـفـضـلـ جـمـالـ. فـيـأـتـيـ بـنـاقـتـيـنـ كـوـمـاـوـيـنـ زـهـرـاوـيـنـ - 00:48:33

نـاقـتـيـنـ بـقـىـ ماـ حـصـلوـشـ ياـ شـبـابـ اـيـكـمـ يـحـبـ اـنـ يـغـدوـ عـلـىـ توـكـيلـ مـرـسـيـدـسـ بـنـزـ اوـ توـكـيلـ رـاـمـبـورـجـيـنـ اوـ توـكـيلـ لـلـكـرـيـزـلـ اوـ توـكـيلـ بـنـتـ لـيـ اوـ توـكـيلـ فـيـأـتـيـ بـعـرـبـيـتـيـنـ كـوـمـاـوـيـنـ زـهـرـاوـيـنـ. مـيـنـ اـنـاـ طـبـعاـ - 00:48:45

وـلـاـ انـ يـغـدوـ اـحـدـكـمـ عـلـىـ بـيـتـ اللـهـ شـوـفـواـ بـقـىـ سـوـابـ قـرـاءـةـ الـقـرـآنـ فـيـ الـمـسـجـدـ وـسـوـابـ درـوـسـ التـفـسـيرـ عـشـانـ الدـعـاءـ يـرـكـزـواـ فـيـ درـوـسـ التـفـسـيرـ وـالـنـاسـ تـقـبـلـ عـلـىـ درـوـسـ التـفـسـيرـ اـحـنـاـ اـسـاسـاـ مـاـشـيـيـنـ فـيـ سـلـسلـةـ صـورـةـ مـرـيمـ. وـلـكـ الـاحـدـاـسـ كـتـيرـ مـاـ يـنـفـعـشـ اـنـ اـحـنـاـ نـتـجـاـزـ الـاحـدـاـسـ طـبـعاـ - 00:49:03

وـلـاـ انـ يـغـدوـ اـحـدـكـمـ عـلـىـ بـيـتـ اللـهـ اوـ عـلـىـ الـمـسـجـدـ فـيـتـعـلـمـ اوـ يـقـرـأـ اـيـتـيـنـ خـيـرـ لـهـ مـنـ نـاقـتـيـنـ وـثـلـاثـةـ خـيـرـ مـنـ ثـلـاثـ. وـارـبعـ خـيـرـ مـنـ اـرـبعـ باـعـدـادـهـنـ مـنـ الـاـبـلـ. يـعـني تـخـيلـواـ مـيـنـ اللـيـ عـاـيـزـ اـرـبعـ عـرـبـيـاتـ مـرـسـيـدـسـ. الـفـجـرـ يـقـعـدـ يـقـرـأـ قـرـآنـ بـعـدـ الـفـجـرـ اـرـبعـ اـيـاتـ بـسـ اـحـسـنـ مـنـ اـرـبعـ عـرـبـيـاتـ. مـرـسـيـدـسـ الـذـيـ - 00:49:19

لـيـسـ فـيـ جـوـفـهـ شـيـءـ مـنـ الـقـرـآنـ كـالـبـيـتـ الـخـرـبـ الـبـيـتـ الـخـرـبـانـ دـهـ مـهـجـورـ. مـاـ فـيـشـ فـيـهـ مـلـاـيـكـةـ فـيـ حـيـاـتـهـ. الـبـيـتـ الـخـرـبـانـ دـهـ اـيـلـ للـسـقـوـطـ اـقـلـ فـتـنـةـ تـوـقـعـهاـ. تـضـيـعـ دـيـنـ وـالـعـيـاـذـ بـالـلـهـ الـبـيـتـ الـخـرـبـانـ دـهـ مـلـيـانـ عـقـارـبـ وـحـيـاـتـ الـشـيـاطـيـنـ فـيـ حـيـاـتـهـ. الـبـيـتـ الـخـرـبـانـ دـهـ شـكـلـهـ وـحـشـ. مـحـلـ نـظـرـ اللـهـ لـيـ قـلـبـيـ شـكـلـهـ وـحـشـ - 00:49:41

شـكـلـهـ زـيـ الـبـيـتـ الـخـرـبـانـ. يـاـ اـخـوانـاـ دـهـ الـقـرـآنـ زـوـدـ اـيـمـانـ الـحـجـرـ لـوـ اـنـزـلـنـاـ هـذـاـ الـقـرـآنـ عـلـىـ جـبـلـ لـرـأـيـتـهـ خـاـشـعـاـ مـتـصـدـعـاـ. دـهـ الـقـرـآنـ يـاـ اـخـوانـاـ طـيـرـ قـلـبـ المـشـرـكـ. جـوـيـرـ اـبـنـ هوـ مـطـعـمـ لـمـاـ سـمـعـ النـبـيـ عـلـيـهـ الـصـلـاـةـ وـالـسـلـاـمـ بـيـقـرأـ - 00:50:04

خـلـقـواـ مـنـ غـيـرـ شـيـءـ اـمـ هـمـ الـخـالـقـوـنـ؟ قـالـ فـكـادـ قـلـبـيـ انـ يـطـيـرـ. الـقـرـآنـ قـلـبـ حـيـاـتـ الـجـنـ يـاـ اـخـوانـاـ. واـزـ صـرـفـنـاـ الـلـيـكـ نـفـرـاـ مـنـ الـجـنـ يـسـتـمـعـونـ الـقـرـآنـ فـلـمـ حـضـرـوـهـ قـالـوـ اـنـصـتـوـاـ فـلـمـاـ قـضـيـ وـلـوـ اـلـىـ قـوـمـهـ مـنـذـرـيـنـ حـيـاـتـهـمـ اـنـقـلـبـتـ وـتـحـولـوـاـ عـلـىـ دـعـاـةـ وـاصـحـابـ رسـالـةـ لـمـاـ سـمـعـوـاـ الـقـرـآنـ اـحـنـاـ الـقـرـآنـ هـبـعـلـ فـيـ حـيـاـتـنـاـ - 00:50:19

اـيـهـ تـحـدـسـنـاـ عـلـىـ اـنـ فـاتـ الـوقـتـ خـمـسـةـ وـخـمـسـيـنـ سـاعـةـ مـنـ اـغـلـىـ مـتـيـنـ وـارـبعـيـنـ سـاعـةـ فـيـ السـنـةـ كـلـهاـ. يـعـني اـحـنـاـ الـوقـتـيـ فـيـ قـطـارـ العـشـرـ قـطـارـ العـشـرـ لـأـ يـعـنيـ يـعـنيـ خـمـسـ القـطـارـ عـدـيـ يـاـ اـخـوانـاـ. يـاـ اـخـوانـاـ بـكـرـةـ تـالـتـ يـوـمـ مـنـ اـيـامـ العـشـرـ. الـلـيـلـةـ دـيـ تـالـتـ لـيـلـةـ مـنـ

الليالي العشر اللي ربنا اقسم بها في - 00:50:39

القرآن وليلال عشر يا اخوانا عايزيين نستيقظ. يا اخوانا قوموا بقى. قوموا بقى لا يعجز احدكم. قوموا بقى بادروا بالاعمال الصالحة المبادرة دي. يعني في خطر الحق بقى قبل ما الفتنة تيجي. قومي بقى املئي صحيفتك بالحسنات باذن الله. قوموا بقى انطلقوا الى الله. يلا لو وقعت ليلة قم يا عم واحنا - 00:51:00

بلاش احباط بقى خلاص. اللي عايزة يصل للسمار بتاعة النخلة لازم يستحمل الشوك بتاع الجريدة شوية. ايه يعني ليلة جا لك فطور يوم جا لك فطورا يوم وقع منك مش - 00:51:20

كده يا اخوانا قم وكمل بقى وخليكم ناس عمليين في الطريق الى الله سبحانه وتعالى. بلاش الاحباط اللي بين الشيطان ده والعياذ بالله رکزوا. احنا قلنا دلوقتي صفات كتير. رکزوا قلنا صفة الصيام والذكر والقرآن والقيام. رکز لك في صفتين وانطلق فيهم الى الله سبحانه وتعالى. عشان برضو - 00:51:30

اللي ربنا عينك منه بقى. يعني ضحوا بي حاجة في هذه الايام. ما فيش دنيا بقى خلاص مش عايزيين انشغالات. خلاص يا اخوانا عبادة ربنا اغلبي. يعني احنا الوقت افضل ايام الدنيا عند الله ايام العشر. يعني عايزيين ايام احسن من كده ايه؟ وعايزين فرص مضاعفة اكتر من كده ايه؟ وعايزين نفحات من الرحمن سبحانه وتعالى - 00:51:48

اكتر من كده ايه؟ اسأل الله سبحانه وتعالى ان يفتح علينا جميعا في هذه الايام. اللهم افتح علينا في هذه الايام يا رب. اللهم اعنا فيها على ذكرك شكرك وحسن عبادتك. اللهم اجعلها خير ايام مرت علينا في حياتنا يا رب. يا ربنا يا رب. يا ربنا يا رب. الله - 00:52:08

اللهم افتح على قلوبنا بالهدى والايمان. اللهم اجعلها خير ايام مرت علينا في حياتنا يا رب. يا رب اللهم لا تحرمنا اجر الحجاج اللهم لا تحرمنا اجر حجاج بيتك يا ارحم الراحمين. اللهم اعمر اوقاتنا وساعاتنا بطاعتكم ليلا ونهارا يا رب - 00:52:28

يا رب انزل هدایتك على شباب المسلمين وعلى فتيات المسلمين وعلى رجال المسلمين وعلى نساء المسلمين وعلى اطفال المسلمين لك ولبي ذلك وال قادر عليه. انطلقوا يا اخوانى. ربنا عينكم وربنا يفتح عليكم. وربنا يجعلها اعظم ايام في طاعة ربنا سبحانه وتعالى. سبحانك اللهم - 00:52:48

وبحمدك اشهد ان لا اله الا انت استغفرك واتوب اليك نور في الظلمات امسى في خلواتي يا سعدى وهناك - 00:53:08